



საგარეო საეკლესიო ურთიერთობების განყოფილება
მოსკოვის საპატრიარქო

ჩვენი ერთობა რუსული სულის ძალაშია: რუსეთი და თანამემამულენი ცვალებად სამყაროში



მოსკოვისა და სრულიად რუსეთის უნმინდესი პატრიარქის სიტყვა საზღვარგარეთ მცხოვრები რუსი თანამემამულეებისადმი VII მსოფლიო კონგრესის გახსნაზე „რუსეთი და თანამემამულენი ცვალებად სამყაროში“ (2021 წლის 15 ოქტომბერი, ქ. მოსკოვი)

პატივცემულო სერგი ვიქტორის ძე, ძვირფასო თანამემამულენო, ძმანო და დანო!

გულითადად მივესალმები რუსი თანამემამულეების VII მსოფლიო კონგრესის ყველა მონაწილესა და სტუმარს, რომლებიც სხედან ამ დარბაზში და საკუთარ ეკრანებთან მთელს მსოფლიოში. მოხარული ვარ, რომ მაქვს საშუალება მივმართო მათ, ვინც თავის თავს დიდი რუსული ცივილიზაციის თანაზიარად თვლის.

წელს ჩვენ ავლნიშნავთ რუსეთის წმინდა მიწის გამოჩენილი სახელმწიფო მოღვაწისა და წმინდანის კეთილმორწმუნე მთავრის ალექსანდრე ნეველის დაბადებიდან 800 წლისთავს. როგორც ბევრს უთუოდ მოეხსენება, ცამეტი წლის წინ მისი სახელი საჯაროდ იქნა მიღებული როგორც „რუსეთის სახელი“. როგორც მახლობელი, ისე შორეული საზღვარგარეთის ბევრ ქვეყანაში, მართლმადიდებლური ტაძრები აგებული და ნაკურთხია მის სახელზე.

კეთილმსახური მთავრის ცხოვრებისა და მსახურების გასაოცარი მაგალითი აღგვაფრთოვანებს ჩვენ, მის თანამემამულეებს. ჭეშმარიტად, ეს არის რუსი ადამიანის, პატრიოტის, თავის ერსა და მამულზე თავგანწირულად შეყვარებულის სახე, რომელსაც შეეძლო დაეცვა ჩვენი ქვეყნის თვითმყოფადი გზა, და რომელმაც საბოლოოდ საკუთარი ცხოვრება სამშობლოს მიუძღვნა. უფლის წყალობით, რვა საუკუნის შემდეგ, ჩვენი რუსული ცივილიზაცია მშვიდობიანად განაგრძობს არსებობასა და განვითარებას როგორც ევროპის, ისე აზიის ტერიტორიაზე. ახლა, როდესაც წმინდა მთავრის ცხოვრების გმირობის ვუმზერთ, ჩვენ მოწოდებულნი ვართ გავიგოთ არა მხოლოდ მისი სულიერი მემკვიდრეობის აქტუალობა, არამედ გავიაზროთ მისი პირადი პასუხისმგებლობა მამულისა და ერის ბედზე.

ჩვენთვის წარსული არ არის სამუზეუმო ექსპონატი. ის გვეხმარება დღევანდელი და ხვალისდელი დღის მოწყობაში. სულ უფრო გართულებად საინფორმაციო ნაკადში, ფეიკების სივრცეში, თანამედროვე ადამიანისთვის არც თუ ისე მარტივია ორიენტირება, რადგან ამ სივრცეში ვხვდებით მცდელობას, მოგვაკლონ ჩვენ, მათ შორის, ისტორიული სიმართლე ფაქტების დამახინჯებულად გადმოცემის გზით, რომ შთაგვაგონონ ცრუ დანაშაულის გრძნობა, ერთგვარი ნაკლოვანების განცდა, მაგალითად, მეორე მსოფლიო ომის მსხვერპლთ წარმოგვიდგენენ აგრესორებად და ოკუპანტებად, ხოლო მოღალატეებსა და მტრის ხელშემწყობებს – გმირებად.

არ უნდა დაგვავიწყდეს ჩვენი წმინდა რუსეთის ისტორიული ერთობა, რომელიც სათავეს იღებს კიევის ნათლობის ემბაზიდან. მე, ისევე როგორც ჩვენ შორის უმრავლესობა, ღრმად განვიცდი დღევანდელ განყოფას მოძმე ერში პოლიტიკური და რელიგიური მიზეზებით.

ჩვენ ისტორიულ გზაზე გვხვდებოდა არა მხოლოდ გამარჯვებები, არამედ მარცხიც, წარუმატებლობა, გაჭირვებისა და სიდუხჭირის თანხლებით. თუმცა ყველაზე გამორჩეული წარმატება ჩვენმა ერმა მაშინ მოიპოვა, როცა ის ერთსულოვანი იყო. შეიძლება იდეოლოგიის არსებობას სახელმწიფოში განსხვავებულად მივუდგეთ, მაგრამ აშკარაა, რომ უიდეო სახელმწიფოსთვის გარდაუვალია ცივილიზაციური კრაზი. მით უფრო არ უნდა იყოს უიდეო ერი, საზოგადოება. რა არის ეროვნული სული? სული მაშინ ვლინდება, როდესაც ხალხი ცხოვრობს იმ ზნეობრივი ფასეულობებით, რომლებიც თაობიდან თაობას გადაეცემა.

ამიტომ ცოცხალი რწმენა, წარუვალს სახარებისეული ღირებულებები შეთვისებული აქვს ჩვენ ერს მისი პოლიტიკური ორგანიზაციის ფორმირების გარიჟრაჟზე. ნებისყოფის სიძლიერე, რუსი ხალხის შეუპოვრობა და მამაცობა, მისი სიკეთე, სტუმართმოყვარეობა და სულგრძელება, დასახმარებლად მზაობა მათთვის, ვისაც უმძიმს, – გამობრძნევენ ჩვენს სულს და განსაზღვრავდნენ ისტორიულ გზას, აყალიბებდნენ ცივილიზაციურ კოდს.

ყველა ეს შესანიშნავი თვისება აღიზრდება ბავშვობიდან და შეიძლება გადაიცეს მხოლოდ ძლიერ ოჯახებში, სადაც არიან დედა და მამა, სადაც უფროსი თაობაა, რომელსაც აქვს დიდი ცხოვრებისეული გამოცდილება და რომელსაც სოციალური ქსელების ვიდეო-რგოლებით ვერ ისწავლი. ჩვენ უნდა ჩაენერგოთ უფროსების პატივისცემა, რადგან შეუძლებელია საკუთარი ქვეყნის სიყვარული, თუ თავიდან არ შევიძინეთ საყვარელ და ახლობელ ადამიანებზე ზრუნვის ჩვევა. მოციქული პავლე წერს: „ხოლო უკუეთუ ვინმე თვსთა და უფროსლა სახლელთა არა მოლუანე იყოს, სარწმუნოებაჲ უარუყოფიეს და არს იგი ურწმუნოჲსა უძრეს“ (1 ტიმ. 5.8).

რუსეთის ეკლესიის, ისევე როგორც ჩვენი ქვეყნის ყველა ტრადიციული რელიგიური საზოგადოების ვალია – საზოგადოებაში ტრადიციული ოჯახური ღირებულებების შენარჩუნების ხელშეწყობა. მღვდელმსახურთა მრავალრიცხოვანი ოჯახების მაგალითი ადასტურებს ძლიერი და მრავალშვილიანი ოჯახის შექმნის შესაძლებლობას თანამედროვე რთულ პირობებშიც კი.

აღბათ ყველანი ვთანხმდებით, რომ რუსი ერი ძალიან მომთმენია, შეუძლია ცხოვრების რთულ პირობებში ადაპტირება. თუმცა ის ამავდროულად თავისუფლების დიდი მოყვარულია და არ ითმენს მოყვასთან მიმართებაში უსამართლობას. დიახ, სიმართლისა და სამართლიანობის ძიებაში ჩვენ ზოგჯერ, ალექსანდრე სერგის ძე პუშკინის სიტყვებით, „უაზრო და უღმრთელ“ ამბობებამდეც კი მივდივართ. აი, რატომ იყო შემრიგებლური ეკლესიის ხმა ყოველთვის მნიშვნელოვანი ჩვენი ერისთვის. ვიმედოვნებ, რომ ის დღემდე ასეთად დარჩება.

რუსეთის ათასწლოვანი ისტორია ნათლად ამონებს, რომ ჩვენ კოპირებით არ უნდა გადმოვიღოთ სხვისი ცივილიზაციის გზა, თუმცა ამასთან არ უნდა უგულებელვყოთ სხვების გამოცდილება. გლობალიზაციის ეპოქაში ყველა უნდა გავერთიანდეთ საკუთარი თვითმყოფადობის ირგვლივ, არ უნდა შეგვრცხვეს იმის, რომ სხვას არ ვგავართ, უნდა ვიაროთ საკუთარი ისტორიული გზით და შევინარჩუნოთ ჩვენი ღირებულებები ყველგან, სადაც უნდა ვიმყოფებოდეთ. ეს საჭიროებს სიმამაცესა და ჩვენი ძალების კონსოლიდაციას.

თქვენ ჩემზე ნაკლებად არ იცნობთ იმ სირთულეებს, რომლებსაც აწყდებიან ჩვენი თანამამულები საზღვარგარეთ. დიდი საზოგადოებრივი რეზონანსი გამოიწვია ძალადობის შემთხვევამ რუს ბიჭზე სანკრთნელ ბანაკში. შემთხვევა მიმდინარე წელს რუსეთის ერთ-ერთ მოსაზღვრე ქვეყანაში მოხდა. მას აბუჩად იგდებდნენ, სცემდნენ, რადგან გაბედა თავისი სარწმუნოების დამოწმება. რუსეთის ხელისუფლებამ და ეკლესიამ სასწრაფო რეაგირება მოახდინა ამ ინციდენტზე. თუმცა არსებობს რუსებსა და რუსულად მოსაუბრეებზე თავდასხმის მაგალითები ახლო საზღვარგარეთის სხვა ქვეყნებშიც. სამწუხაროდ, ყოველთვის არ ხდება მსგავსი შემთხვევების გახმაურება და მათი სათანადოდ შეფასება. ძალიან მნიშვნელოვანია, რომ ყოველდღიურ ყოფით ცხოვრებაში გამოვლენილი ერთეული

მოუთმენლობის შემთხვევებზე გადატანილი ყურადღების გამო, მხედველობიდან არ გამოგვრჩეს რუსოფობური და ქრისტიანოფობური დიდი მასშტაბის ტენდენციების ნიშნები.

დღეისათვის არსებობს საზღვარგარეთ მყოფი ჩვენი თანამემამულეების უსაფრთხოების სისტემის ფორმირების სერიოზული მოთხოვნა. ჩვენ უნდა ვისწავლოთ ერთმანეთის დაცვა, რათა ყველასათვის იყოს ცნობილი, რომ ჩვენი თანამოქალაქენი და თანამემამულენი რუსეთის სახელმწიფოს დაცვის ქვეშ იმყოფებიან და ვერაფერს შეძლებს მათ დაჩაგრას. საზღვარგარეთ ჩვენი თანამემამულეების უფლებებისა და ინტერესების დაცვა, პლანეტის რომელ ნაწილშიც უნდა ცხოვრობდნენ ისინი, ჩვენი საერთო ვალია.

მათ, ვინც მოისურვებენ რუსეთში დაბრუნებას, უნდა ჰქონდეთ ამის შესაძლებლობა. ისინი კი, ვისაც უნდათ თავიანთ საცხოვრებელ ადგილას დარჩენენ სამშობლოს ფარგლებს გარეთ, დარწმუნებულნი უნდა იყვნენ, რომ აუცილებლობის შემთხვევაში მათ დაიცავენ და დახმარებას აღმოუჩენენ. სხვათა შორის, საზღვარგარეთ ჩვენს ტაძრებთან, თანამემამულენი არცთუ იშვიათად პოლულობენ მხარდაჭერას და კრიტიკულ სიტუაციებში იღებენ თავშესაფარს, პროდუქტებით დახმარებას, მორალურ და სულიერ თანადგომას. სამშობლოსგან შორს დარჩენილი ადამიანები სულიერი ნუგეშისა და სამწყემსო მზრუნველობის განსაკუთრებულ საჭიროებას გრძნობენ. ამ საჭიროების პასუხად ბოლო ორი ათწლეულის განმავლობაში სხვადასხვა ქვეყნებში ბევრი ახალი სამრევლო გაიხსნა, რომლებიც აერთიანებს ხალხს არა მხოლოდ საეკლესიო, არამედ კულტურული ურთიერთობებითაც. ჩვენი საზღვარგარეთის სამრევლოები – ეს არის მაგალითი მრავალეროვანი დიასპორებისა, რომლებიც ყალიბდება რწმენის პრინციპით, სადაც ერთ ჭერქვეშ რეგულარულად ლოცულობენ და ერთობლივად ქმნიან სამრევლოს რუსები და ბელარუსები, უკრაინელები და მოლდაველები. უმეტეს შემთხვევაში მათ აერთიანებს არა მხოლოდ საღმრთისმსახურო საეკლესიო სლავური ენა, არამედ ასევე, თანამედროვე რუსული მეტყველებაც. რუსული ენის საშუალებით ისინი ურთიერთობენ და ერთმანეთს თავიანთ სიხარულსა და საზრუნავს უზიარებენ.

შეინარჩუნო რუსული იდენტობა – ეს ნიშნავს რუსულად იფიქრო, წერო და ილაპარაკო. მე არა მხოლოდ როგორც პატრიარქი, არამედ როგორც რუსული სიტყვიერების საზოგადოების თავმჯდომარე, მოგიწოდებთ, რომ შთაუწერგოთ შვილებს რუსული ენის, საკუთარი ისტორიული სამშობლოსა და კულტურის გემო და სიყვარული. დაე, ჩვენმა ბავშვებმა იურთიერთონ საკუთარი მშობლების ენაზე, მიწერონ ელექტრონული შეტყობინებები თავიანთ დედებს და მამებს, ნათესავებსა და ახლობლებს კირილიცურით დამწერლობით.

უნდა გვახსოვდეს ჩვენი ისტორია, პატივი მივაგოთ ჩვენს წინაპრებს, ვიფიქროთ შთამომავლებზე. არ ღირს გადაჭარბებული სიამაყე წარსულ წარმატებებზე, „განსვენება დაფნის გვირგვინებზე“, თუმცა ამასთან, არ უნდა მოვიწყინოთ განსაცდელების ჟამს. ბორის პასტერნაკის სიტყვებით,

სხვები ცოცხალ კვალზე

მტკაველ-მტკაველ გაივლიან შენს გზას,

მაგრამ დამარცხება გამარჯვებისგან

შენ თავად არ უნდა განასხვაო.

დაე, ყოვლისმპყრობელი ღმერთი მარადჟამს ყოფილიყოს ჩვენს ხალხთან და დაგვლოცოს ყველა ჩვენგანი! ჩვენ კი ვეცადოთ პატიოსნად და კეთილსინდისიერად ვიღვაწოთ თითოეულმა ჩვენ-ჩვენს ადგილზე და აღვაშენოთ საერთო ცივილიზაციური სივრცე მოკლე სახელწოდებით „რუსეთი“.

ყველას მადლობას მოგახსენებთ ყურადღებისთვის.

წყარო: <https://mospat.ru/ge/news/88259/>